

পোয়া-মাইয়া অলর লাই বাইবেল
যা প্রকাশ গইজে

এক আদরর
পোয়া এখন অইয়ে
দাস



যে লেইক্কে: Edward Hughes

যে ছবি আইক্কে: Byron Unger; Lazarus
Alastair Paterson

যে সম্পাদন গইজে: M. Kerr; Sarah S.

যে অনুবাদ গইজে: Arpan Dey

যে পরিচালনা গইজে: Bible for Children
www.M1914.org

©2023 Bible for Children, Inc.


বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার, ইলেকট্রনিকস,
রেকর্ড গরিবার আর হুবহু লেখিবার অনুমতি দন গেইয়ে।




ইসহাক খুবই খুশি ওর পোয়া যাকোব এহন ঘরত। আবার এষৌ যে খুন
গরিফেলাইব কইয়েরে শপত গইজ্জিল ইতায়অ মানি লইয়ে। কিন্তু যোষেফর
কারনে যাকোবর পোয়াইন খুশি নয়, তারার ছোড ভাইয়েরে বাবে বেশী
দেখিত পাইত্ত।




যোষেফর ভাইঅল আৰ বেশী ৰাগি গিয়ে যখন ও তারার কাছে তার স্বপ্নর কথা
কইয়ে। যোষেফে কইয়ে “আর খানর পোজা সোজা অইয়েরে থিয়াই রইয়ে
এবং আর ভাইঅলর পোজা উইত অই পরি পনাম গরেরা।” এই স্বপ্নর অর্থ
অইয়েদে যোষেফ তার ভাইঅলরতুন বেশি গুরুত্বপূর্ণ অইবা।



যোষেফর দ্বিতীয় স্বপ্ন অইয়েদে,
সূর্য, চাঁদ আর তারাও তারে
পনাম গরের। এনকি তার বাব
যাকোবঅ রাগ অইয়ে যে তার
বাব, মা আর ভাইঅলরত্তু বরে
ওনিজরে উপরে বোয়াইয়ে।



একদিন যাকোবে, যোষেফের তার ভাই অলর কাছে পাঠাইয়ে যেডে তারা
পশু চরাইত তারার তাম্বু টাইক্ষ্যে। তার ভাই অলে তে আইয়েদে দেইক্ষ্যে।
“চল ইতার স্বপ্নরে মারিফেলাই” ইতারা কোয়াকই গরের। যোষেফর সাম্মদি
যে বিপদ ঘটিব তার আগদি কনকিছু নজাইনত।




বড় ভাই ৰুবেন, ৰাজি নময়া ইতা কর “আরা ৰক্তপাত নগইরজ্জম,” “এডে
উগঁগা কুয়া আছে চা। ইতাইবাত মাদ্ক্যি মরক!” ৰুবেনর চিন্তা অইয়েদে
আজঅইলি ইতারে বাচইব।




যহনই যোষেফ
পৌচ্ছে, ভাইঅলে
তারে বেরাই ধরিয়েরে
যাকোবে তার আদরর
পোয়ারল্লাই যে সুন্দর
পোষাক বানাইদিল ইবা
খুলি লইয়ে। তারপরে
ভয়ংকর কুয়ার ভিরে
ফেলাই দিয়ে।



যখন রুবেন নোআছিল, মরুভূমির একদল মানুষ
উটর উপরে গরিয়েরে তারার ইক্ষ্যা আইয়ের যারা
মিসরদেশত যাইবা। “চল যোষেফরে বেচিদি”
তার ভাই যিহুদা, চিল্লাই উটটো। দাম ঠিক
অইয়ে, তারা ত্রিশউআ রুয়ার টেয়া দিয়েরে
যোষেফরে বেচিদিয়ে।



যোষেফেৰে উটৰ উপৰ গৰিয়ৰে তাৰ ঘৰ, পৰিবাৰৰ কাছতু লইযাইবাৰ সমত
চোখৰ পানি আৰ ডৰে ডৰে, অসহায় অইয়েৰে চাইৰইয়ে।





“ইবা কি যোষেফর কোট?
রক্ত মাইক্য, আরা মরুভুমিত
পাইদি ইবা।” হিংসুইট্য
ভাইঅলর কারনে যাকোবে
বিশ্বাস গইজ্জ্য যে তার
আদরর পোয়ারে বন্যপশুয়ে
মারিফেলাইয়ে। যাকোবে
গারকর ছিরিয়েরে কাইনত
কাঁদাকাডি শুরুগরিদিয়ে,
কনকিয় আর আনত গরিত
নপারের।






অবশ্যই যোষেফ মিসর দেশত
গাগাই আর ডরে ডরে থাইব,
অয়ত ঘরত জাইতই মন চার
কিন্তু লুকিত নপারিব। ইতা এখন
মিসরর পধান ফরৌনর ঘরর দাস।
ফরৌনে খেয়াল গইজ্জ্য
যোষেফ খুব পরিশ্রমি আর
বিশ্বস্থও।



“তুই যা গর ইয়ানই খুব ভালো অয়,” একদিন
ফরোনে যোষেফে কইয়ো। আই চাই তুই আর
দাস অলর পধান অ, আর যত ব্যাবস্যা আছে আর
যত দাস আছে ইতারা বেয়াঙ্গুনর উপরে।



যোষেফর কারনে ঈশ্বরে ফরৌনর পচুর
ফসল আর অন্যান্য ধন দিয়ে। এখনও
একজন গুরুত্বপূর্ণ মনুষ অইয়েরে,
যোষেফ একনও বিশ্বাসযোগ্য এবং
বিশ্বস্থ ভাবে ঈশ্বরর সেবা গরের। কিন্তু
যোষেফর উপর বিপদ আইসসে।




ফরৌনর বউ খারাপ একজন মহিলা। যোষেফে তার জামাই অইত কঅর,
যোষেফে রাজি নময়। ফরৌনর ক্ষতিগরিয়েরে ও ঈশ্বরর বিরুদ্ধে পাপ নগরিব।
যহনই ঐমহিলা তারে জোর গইত্ত চাইয়ে, ইত দুউর দিয়ে। কিন্তু
ঐমহিলা ইতার করত ধরিয়েরে
টানমারেয়েরে এটুরা
ছিরি লইয়ে।



“তোয়ার দাসে আৰে অপমান গইজে,” কইয়েৰে ফৰৌনৰ কাছে তাৰ বউয়ে
বিচাৰ দিয়ে। “এই চ, ইতাৰ কাপৰ!” ফৰৌন রাগিগিয়ই। অয়ত জানে তাৰ
বউয়ে মিছতা কৰ, কিন্তু তাৰত্তু কিছু গৰা পৰিবা। ফৰৌনে কি গৰিব?





ফরোনে যোষেফেরে জেলত দিয়ে। যদিঅ
যোসেফর কন দোষ নাই, তারপরঅ
যোষেফে রাগ বা পতিবাদ নগরে।
এইকঠিন সময়ত ইতা শিক্ষ্যে যদি
ঈশ্বরর স্বন্মান গরে তইলি ঈশ্বরঅ
তারে স্বন্মানিত গরিব –
জেলখানার ভিতরেঅ।



এক আদরর পোয়া এখন অইয়ে দাস

ঈশ্বরর বাইক্য পবিত্র বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

আদিপুস্তক ৩৭, আদিপুস্তক ৩৯

“তোঁয়ার বাইক্যই আঁর জীবনর আলোর কেবার (দরজা)।”

গীতসংহিতা ১১৯:১৩০ পদ



শেষ



এই বাইবেলের কাহিনী ইবা যে, আরাৰে তৈয়াৰ গইৰগে এবং তিনি চান যেন আরা তাঁৰে জানি আৰাৰ সেই চমৎকাৰ ঈশ্বৰৰ ব্যাপাৰে আৰাৰে কয় ।

ঈশ্বৰ জানে যে, আরা খাৰাপ খাৰাপ কাম গইৰগি যিবাৰে ঈশ্বৰ পাপ কয় । পাপৰ শাস্তি মৰণ কিন্তু ঈশ্বৰ আৰাৰে বেশী ভালবাসে । তিনি তাঁৰ অগ্নো পোয়া যীশুৰে আৰাৰ পাপৰ লাই দ্রুশত মৰিবাৰলাই আৰ শাস্তি পাইবাৰ লাই পাঠাই দিইল । পরদি যীশু মৰনৰতুন জেয়াতা হইয়েনে স্বৰ্গৰ মধ্যে যে, ঘৰ আছে এডে ফিৰি গেইয়ে । যদি অনে যীশুৰে বিশ্বাস গৰণ আৰ অনৰ পাপৰ লাই তাঁৰ কাছে মাফ চন তইলে তিনি মাফ গৰি দিব । তিনি এহন আইয়েৰে আৰাৰ মধ্যে থাকিব আৰ অনেও তাঁৰ মধ্যে আজীবন থাইবেন ।

যদি অনে বিশ্বাস গৰণ যে ইবা হাঁসা তইলে ঈশ্বৰৰ কাছে এই প্রার্থনাওয়া গৰণ:
প্রিয়া যীশু, আই বিশ্বাস গৰি দে, তুঁই ঈশ্বৰ আৰ আৰাৰ পাপৰ লাই মৰিবাৰ লাই মানুষ হইয়েনে জনুগ্ৰহণ গইৰজুইন । আৰ এহন তুঁই আবাৰ জীবিত আছন । দয়া গৰি আৰ জীবনত আইয়ো আৰ আৰ পাপ ক্ষমা গৰ যেন, আই এহনতুন নওয়া জীবন পাইত পাৰি আৰ এক দিন হাৰাজীবন তোয়াৰ অংগে থাইকতো যাইত পাৰি । আৰে সাহায্য গৰ যেন, তোয়াৰ আদেশ মানিত পাৰি । আৰ তোয়াৰ পোয়া হইয়েনে তোয়াৰ লাই জীবন কাটাইত পাৰি ।

বাইবেল পড়ন আৰ পোতুকদিন ঈশ্বৰৰ অংগে কথা কন (যোহন ৩:১৬) ।

